

"মিষ্টি বাচ্চারা - অর্ধকল্প ধরে তোমাদের মধ্যে যে ৫ বিকারের অসুস্থতা ছিল তা এখন শেষের মুখে , এইজন্য অপার খুশিতে থাকা উচিত "

প্রশ্নঃ - তোমাদের বাচ্চাদের কি ধরনের শখ থাকা উচিত , কোন্ কথায় তোমাদের কোনও সম্পর্ক থাকা উচিত নয় ?

উত্তরঃ - বাবার থেকে বিশ্ব মালিকানার উত্তরাধিকার পুরোপুরি প্রাপ্ত করার শখ থাকা উচিত । মানুষের অনেকরকম হবি থাকে । সেইসব তোমাদের ছেড়ে দিতে হবে । তোমরা স্বয়ং ঈশ্বরের সন্তান , বাবার সাথে ঘরে ফিরে যেতে হবে এইজন্য এই শরীরের সাথে যুক্ত সমস্ত রকম জিনিস তোমাদের ভুলে যেতে হবে । পেটের জন্য লাগবে দুটো রুটি আর বুদ্ধিকে জুড়ে নিতে হবে নতুন দুনিয়ার সাথে ।

গীতঃ- ঝড় তাদের কি করতে পারে যাদের সাথী ভগবান ...

ওম্ শান্তি । বিশেষ প্রিয় , অটল , মহাবীর সব বাচ্চারা বুঝতে পারছেন, মনে বিভিন্ন রকমের ঝড় আসবে এবং প্রাকৃতিক বিপর্যয় , অসুস্থতা প্রভৃতিও আসবে, কারণ এখন হল শেষ পর্যায়েরই চূড়ান্ত প্রস্তুতি (পিছারীকা পম্প) । মায়া তার প্রবল শক্তি নিয়ে তোমাদের উপর ঝাঁপিয়ে পড়বে । যাদের নিশ্চয়বুদ্ধি মজবুত তারা জানে শরীরের হিসেবনিকেশও মিটে যাবে । যখন তোমরা কোনও রোগ থেকে সুস্থ হয়ে ওঠো , তোমাদের খুব আনন্দ হয় যে , এই রোগ থেকে তোমরা মুক্ত হয়ে যাবে । তোমরা জানো আর মাত্র কিছু দিনই বাকি আছে । পাঁচ বিকারের এই অসুখে তোমরা অর্ধকল্প ধরে ভুগছ যার জন্য মানুষ অজামিল নামক মহাপাতকের মতো পাপাত্মায় পরিণত হয়েছে । এই দুনিয়া আর মাত্র কিছু দিনের । এই অসুখ শেষ হওয়ার মুখে । দুনিয়ার মানুষ এইসব কথা জানেনা । তারা আসুরিক বুদ্ধির । চরম দুর্দশায় তারা হায় হায় করতে থাকে । তোমরা এই ঘটনা দেখতে থাকবে । এইসমস্ত ব্যাপারে তোমাদের কোনও যোগ নেই । এইসব নতুন কোনও কথা নয় , এই সবকিছু হতে হবে । এতে ভয় পাওয়ার মতো কিছু নেই । খুবই অল্প সময় অবশিষ্ট আছে । পেটের জন্য কেবল দুটো রুটিই যথেষ্ট । তোমাদের শখ এখন বাবার থেকে বরসা নেওয়ার । মানুষের বিভিন্ন রকমের শখ থাকে । এখানে তোমাদের সেরকম কোনও শখ রাখা উচিত নয় । শরীর সম্বন্ধীয় সমস্ত কিছু ভুলে যাও । এখন আমরা ভগবানের হয়েছি । বাবা, সাজনের সাথে আমাদের ফিরে যেতে হবে । এই সাজনও বড় বিচিত্র , তাঁর কোনও আকার নেই । তিনি নিরাকার হওয়াতে তাঁকে যথার্থরূপে কেউ স্মরণ করতে পারেনা । এই হলো নতুন পদ্ধতি । আত্মাকে পরমাত্মার স্মরণ করতে হবে । অর্ধকল্প ধরে তোমরা তাঁকে এইভাবে স্মরণ করনি । সত্যযুগে শুধু এইটুকুই বুঝতে যে আমরা আত্মা ; এছাড়া অন্য কোনও জ্ঞান ছিলনা । আমি আত্মা , এক শরীর ছেড়ে অন্য শরীর গ্রহণ করি । এখানে আত্মাকে পরমাত্মা বানিয়ে দিয়েছে ; তারা বলে পরমাত্মা সর্বব্যাপী । এখন যেমন এই পুরনো দুনিয়া তোমাদের জন্য নয় । বুদ্ধি নতুন দুনিয়ার সাথে জুড়ে আছে । কেউ নতুন ঘর তৈরী করলে যেমন তার বুদ্ধি পুরনো ঘর থেকে সরে নতুন ঘরের সাথে জুড়ে যায় । এখন বিভিন্ন ধর্মের মানুষ অধিবেশন ইত্যাদি করে অথচ একজনেরও বুদ্ধিযোগ পরমপিতা পরমাত্মার সাথে জুড়ে নেই । তোমরা এখন বাবাকে খুঁজে পেয়েছ যিনি তোমাদের শেখাচ্ছেন । তিনি জ্ঞানেশ্বর এবং তিনিই যোগেশ্বর । ঈশ্বর যিনি নিজের সাথে

যোগ লাগানো শেখান , জ্ঞানেশ্বর অর্থাৎ একমাত্র ঈশ্বরের মধ্যেই জ্ঞান আছে । তিনিই একমাত্র জ্ঞান এবং যোগ শেখাতে পারেন । যাদের দৃঢ় নিশ্চয় আছে , তারা বুঝতে পারে এই দুনিয়াতে তারা অল্প সময়ের জন্য আছে । আমাদের এখন ঘরে ফিরে যেতে হবে । নাটকে যেমন অ্যাক্টররা জানে তারা সেখানে অল্প সময়ের পার্ট প্লে করছে এবং তারপরে তারা ফিরে যাবে । তারা দ্রুতগত তাদের ঘড়ির দিকে লক্ষ্য রাখে । তোমাদের ঘড়ি বেহদের । তোমরা জানো এটা তোমাদের অন্তিম জন্ম । সুতরাং , তোমাদের অনেক খুশি হওয়া উচিত - আমরা এই পুরনো শরীর ছেড়ে বিশ্বের প্রিন্স প্রিন্সেস হতে যাচ্ছি । আমাদের মাঝমা বাবাও প্রিন্স প্রিন্সেস হবেন । তোমাদের বাচ্চাদের দ্রুত গতিতে ধাবিত হয়ে (দৌড়ে) বিজয় মালার প্রথম সারিতে আসতে হবে । যদি বাবাকে কেউ জিজ্ঞেস করে তবে বাবা বলতে পারবেন , তোমার চলন এইরকম, যাতে বোঝা যায় তুমি নিশ্চয়ই বিজয়মালাতে খুব কাছে আসবে । তোমরা নিজেরাই নিজদের বুঝতে পারবে , আমরা কতদূর পর্যন্ত পাশ করব । কেউ কেউ মনে করে যে তারা কখনও পাশ করবেনা । যদিও আমি বাবার বাচ্চা এবং আমি সমস্ত কিছু সমর্পণ করেছি , বাবার কোলে বসে আছি তবুও যদি আমি কোনও কিছু ধারণ করতে না পারি , আমি উঁচু পদ লাভ করতে পারব না । যারা গৃহস্থ ব্যবহারে থেকে সেবা করছে তারা এখানে যারা আছে তাদের থেকে ভালো পদ পেতে পারে । এইরকম দেখাও যায় তারা তীর গতিতে এগিয়ে যাচ্ছে । শুধু বাবার সাথে থাকলে কিছু বেশী লাভ হয় । মেঘ সাগরের কাছে আসে , নিজদের পূর্ণ করে এবং তারপর গিয়ে সর্বত্র বর্ষণ করে । মুরলি চতুর্দিকে যায় । তোমরা মুরলি শোন আর তারপরে অন্যদের শোনাও । যারা ভালো সার্ভিস করে তারা উঁচু পদ লাভ করে । এতে অনেক মেহনত লাগে । যদি তোমরা এখানে মেহনত না করো তোমরা ভূপতিত হবে , সবকিছু নির্ভর করছে তোমার মেহনতের উপর । নিজের নাড়ি স্পন্দন নিজেই দেখা যায় । বুঝতে পারবে যে এই পুরুষার্থ দ্বারা আমি কি পদ পেতে পারব । যদি তোমরা এখন পুরুষার্থ করে উঁচু পদ না লাভ করতে পারো তবে কল্পে কল্পে এইরকম পদই পাবে । এই হলো বেহদের ড্রামা । এখন তোমরা বেহদের বুদ্ধি লাভ করেছ । বেহদের আদি -মধ্য -অন্তকে জানা খুবই আনন্দের । তবে মায়ার ঝড় এমনই যে তোমাদের দিয়ে কিছু না কিছু ভুল করিয়ে দেয়, ভালো ভালো বাচ্চাদের মায়া জয় করে নেয় । তোমরা আরও যত এগোবে তোমাদের বুদ্ধিও ততই বাড়বে , তোমাদের নাম উজ্জ্বল হবে । এখন দিল্লিতে ধর্মীয় কনফারেন্স হয় । কনফারেন্সে বোঝানোর জন্য খুব ভালো বুদ্ধির প্রয়োজন । কনফারেন্স শুরুর নির্দিষ্ট সময়ের অনেক আগে থেকেই সকলের সাথে সকলের যোগাযোগ করিয়ে দেওয়া হয় । কনফারেন্সের যারা মাথা সর্বপ্রথম তাদের একটা ছোট কমিটি মিটিং হয় , তারপরে বড় কনফারেন্স হয় । পোপ ইত্যাদির জন্য সবরকম সুবিধার বন্দোবস্ত করা হয়ে থাকে । এনাদেরও কনফারেন্সের ক্ষেত্রে অনেক চিন্তা -ভাবনা থাকে । সেইজন্য এইরকম কনফারেন্সে খুব বুদ্ধিমান , অভিজ্ঞ বাচ্চাদের যাওয়া প্রয়োজন এবং সেখানে আমন্ত্রিত বড় বড় ব্যক্তিদের বোঝানো উচিত । সর্বপ্রথমে ঠিক করে নিতে হবে বিষয়বস্তুর মূল কি - 'বাবা এসেছেন' । এর পূর্বে দেবী-দেবতা ধর্ম সম্পর্কে কেউ জানত না । এখন তোমরা খুশি যে , দেবীদেবতা ধর্মেরও মাথা আছেন । যাঁরা জ্ঞানে পরিপক্ব তাঁরা মনে করেন যে এখন সেই ব্যক্তিদের জিজ্ঞাসা করা যায় - "আমাদের বলুন , সব ধর্মের মধ্যে বড় ধর্ম কি ?" সেই ধর্মেরই হেড বানানো উচিত । তোমরা বি .কে .-রা সবার মাথা । তোমরা জগত্ মাতা । পদও মাতাদের । এটা দেখানোও হয় যে , কুমারীরা বাণ মেরেছে ভীষ্ম পিতামহ ইত্যাদিকে । এই কুমারীদের সামনে প্রত্যেককে আসতেই হবে । সেইজন্য তোমাদের বোঝাতে হবে উঁচু থেকেও উঁচু কে । তখন তাঁরা বুঝবেন ভগবান যে সর্বব্যাপী সেই জ্ঞান মিথ্যা । এখন তোমরা যুদ্ধের ময়দানে । বাবার পরিচয় দেওয়া তোমাদের জন্য নতুন কিছু নয় । ভালো ভালো বাচ্চারাই এই নেশায় মেতে থাকে যে , এই

পার্ট আমরা অনেকবার প্লে করেছি। এই পুরনো দুনিয়ার এখন বিনাশ হবে। এই পুরনো শরীর ছেড়ে নতুন করে আবার তোমরা তোমাদের পার্ট প্লে করবে। তোমাদের বুদ্ধি এখন বিশাল এবং অসীম। তোমাদের পুরনো সেই বস্ত্র ত্যাগ করতেই হবে এবং তারপরে তোমাদের ৮৪ জন্মের জন্য নতুন বস্ত্র নিতে হবে। এইসব তোমাদের বুদ্ধিতে সর্বদা থাকা উচিত। প্রত্যেক পার্টধারীর নিজের নিজের পার্টের ক্ষেত্রে সচেতন থাকা উচিত। তোমরা ৮৪ জন্ম নিয়ে নিজেদের পার্ট প্লে করেছ। সৃষ্টির এই খেলা এখন শেষ হয়ে এসেছে। এই বস্ত্রও এখন জরাজীর্ণ। দুনিয়াও তমঃপ্রধান। যখন আমাদের রাজধানী স্থাপন হয়ে যাবে, তখন বিনাশও শুরু হবে। আমরা গিয়ে পরবর্তী জন্মে বিশ্বের মালিক হয়ে যাব। এখানে যারা পড়ে তাদের এই জন্মেই লাভ হয়। এখন তোমাদের স্মরণে এসেছে যে তোমরা গিয়ে দৈবী জন্ম নেবে এবং তারপরে ঋদ্রিয় জন্ম নেবে। এই জ্ঞান তোমাদের বুদ্ধিতে ফোঁটায় ফোঁটায় সরু ধারায় বইতে থাকলে একমাত্র তখনই তোমাদের খুশির পারা উঁচুতে থাকবে। যারা ভালো পুরুষার্থী হবে এই জ্ঞান ক্রমাগত তাদের বুদ্ধিতে চলতে থাকবে। বাবা বুঝিয়েছেন, তোমাদের কর্ম করতেই হবে। তারপরেই তোমরা স্মরণের চার্ট বাড়াতে পারবে। এর জন্য রাতের সময় খুব ভালো। সেই সময় কোনও ক্লান্তি থাকেনা। যদি তোমরা সর্বদা এই স্থিতিতে না থাকো, তখন তুফান আসলে, তারা তোমাদের অবসন্ন করে তুলবে। না চাইলেও তুফান এসে যায়, তোমায় ক্লান্ত বানায়। যেমনই হোক, তোমরা যদি ক্রমাগত বাবাকে স্মরণ করো এবং ক্রমাগত এই বিষয়ের নির্যাসটুকু মনের মধ্যে লালন করো, তোমাদের মাথা জ্ঞানে ভরপুর হবে। এটা বাবার অনুভব যে, ঝড় অনেক আসবে। তোমরা যত শক্তিশালী হবে মায়া ততই তোমাদের নীচে নামাবে। এই হলো আইন। বাবা বলেন মায়া অত্যন্ত শক্তিশালী কেননা সে তার রাজস্ব হারাচ্ছে, সুতরাং সে নানারকম ঝড়ের সৃষ্টি করবে। তাকে ভয় পেয়োনা। যদি শরীরের কিছু হয় তবে সেটা কর্মভোগ। তোমরা এতে একদম দমে যেওনা। এই হলো অন্তিম শরীর। খুব অল্প সময় বাকি আছে। এইভাবে স্মরণের দ্বারা তোমরা খুশিতে থাকবে। ড্রামাতে তোমরাই সবচেয়ে বেশী উঁচু পদাধিকারী কারণ তোমরা পরমপিতা পরমাত্মার কোলে রয়েছ। তোমাদের মধ্যেও যারা ভালো পুরুষার্থী তাদের মতো সৌভাগ্যশালী কেউ নেই। এই ঈশ্বরীয় সুখ অনেক উন্নতিসাধন করে। তোমরা বোঝাতে পারো যে, ভারত স্বর্গ ছিলো, অবিনাশী খণ্ড ছিলো এবং সেই সময়ে অন্য কোনও ধর্ম ছিলোনা। সব ধর্ম পরে পরে এসেছে। সূর্যবংশীয় রাজস্ব সমাপ্ত হলে তারপর চন্দ্রবংশীয় রাজস্ব হয়। সেইসব হিস্ট্রি জিওগ্রাফি কেউ জানেনা। এখন তোমরা জেনেছ। কেউ জানেনা সত্যযুগের পর ত্রেতাযুগ এবং সেখানে তখন দুই কলা কমে সেই সুখও কমে যায়। এই জ্ঞান যদি সত্যযুগেই তোমাদের মধ্যে থাকত তবে ভিতরে ভিতরে তোমরা আটকে যেতে। তোমাদের বিবেক বুদ্ধি দংশন হত যে তোমরা নীচের দিকে নেমে আসছ। তোমরা তোমাদের রাজস্ব আনন্দে কাটাতে পারতে না। রাজ্যপাট ভালো লাগত না। এখানেও কেউ কেউ বলে যে তারা স্বর্গের মালিক হবে কিন্তু সেই তাদেরই আবার নীচে নেমে আসতে হবে। কিন্তু তবুও সেখানে রাজধানী পাওয়ার খুশি থাকে। এখন বাবা তোমাদের ত্রিকালদর্শী তৈরী করছেন। এমনকি লক্ষ্মী নারায়ণ, যাঁরা স্বর্গের মালিক তাঁরাও ত্রিকালদর্শী নন। একমাত্র সঙ্গমেয়ুগে এসেই বাবা তোমাদের তৃতীয় নয়ন প্রদান করে ত্রিকালদর্শী বানান। দেবতাদের কেন অলঙ্কার দেওয়া হয়? কেননা তাঁরা সম্পূর্ণ স্থিতিতে থাকেন। ব্রাহ্মণেরা ক্রমাগত ওপরে ওঠে এবং নামে। কিভাবে তাঁদের অলংকার দেওয়া যায়? এটা ঠিক শোচনীয় নয়। এইসব ড্রামার আশ্চর্যজনক রহস্য। একমাত্র ব্রাহ্মণই স্বদর্শন - চক্রধারী। এই জ্ঞানের মাধ্যমে তোমরা দেবতা তৈরী হও। এই সময় তোমরা স্বদর্শন চক্রধারী, ত্রিনেত্রী, ত্রিকালদর্শী। এইসব তোমাদের শিরোনাম। এই সমস্ত কথা বোঝার এবং পরে বোঝাতে হবে। সর্বপ্রথম বাবার পরিচয় দাও। পরমপিতা পরমাত্মার সাথে তোমাদের কি সম্বন্ধ। তাঁর

নামই গড ফাদার । তোমরা বলতে পারোনা যে গড ফাদার সর্বব্যাপী । তিনি পিতা । আমরা এমনও লিখি যে পরমপিতা পরমাত্মার সাথে কি সম্বন্ধ ? তোমরা পরম পিতা যখন বলছ তবে তো উনি নিশ্চয়ই পিতা । বাবা কিভাবে সর্বব্যাপী হবেন ! বাবার থেকে তো বিশ্বের মালিকানা নিতে হবে । নতুন দুনিয়ার রচয়িতা । লক্ষ্মী নারায়ণ নতুন দুনিয়ার উত্তরাধিকার লাভ করেন সেখানে দেবতাদের তৃতীয় নয়নের দরকার হয়না । তৃতীয় নয়ন অবশ্যই ব্রহ্মা দ্বারা দেওয়া হয়েছে । ত্রিমূর্তির অর্থ খুব ভালো । উত্সাহজনক পথে তোমাদের বোঝাতে হবে । যাঁরা খুব ভালো মাস্টার তাঁদের বোঝানোর অভ্যাস থাকবে । দিন -দিন কাউকে এইসব বোঝানো আরও সহজ হয়ে যাবে । পরমপিতা পরমাত্মা তোমার কে ? তারা বলবে তিনি তাদের বাবা । বাবা এই দুনিয়ার রচয়িতা । সত্যযুগে দেবী-দেবতাদের রাজ্য ছিলো । তাঁরা নিশ্চয়ই তাঁদের সম্পত্তি পরমপিতা পরমাত্মার কাছ থেকে নিয়েছিলেন । তাঁরা রাজসোগ শিখে রাজত্ব লাভ করেন । আমরা সবাই বী . কে .। কাউকে বোঝাও - আচ্ছা ! তোমরা তো বলো প্রজাপিতা ব্রহ্মা । তবে তো তিনি তোমাদের পিতাই হলেন , তাই না ! তিনিও (শিব) বাবা । তোমরা ব্রহ্মাকুমার ব্রহ্মাকুমারী । আমরা দাদার থেকে উত্তরাধিকার নিচ্ছি , তোমরা নিচ্ছ না । তোমরা এসো এবং এইসব বোঝো , পুরুষার্থ করলে তোমাদেরও প্রাপ্ত হবে । প্রজাপিতা ব্রহ্মা এবং জগদম্বা , দুজন মুখ্য । তোমরা লক্ষ্মী নারায়ণের পদের বরসা লাভ করো । বিভিন্ন উপায়ে তোমাদের বাচ্চাদের সবকিছু বোঝানো হয় । বড় বড় কনফারেন্সে যখন তোমরা যাবে তোমাদের নাম উচ্ছল হবে । আমাদের কথা জ্ঞানের আর অন্যদের সবার কথা ভক্তির । আমাদের জ্ঞানের অর্থটি আছে - যে কোনও কাউকে প্রশ্ন করার । কিন্তু যারা বোঝে তারাও এটা তাড়াতাড়ি বুঝতে পারেনা । তারা ক্রমাগত বিনা প্রয়োজনে অনেক বেশী ব্যাখ্যায় যেতে চায় । তারা যদি বুঝে যায় তবে তারা বেআরু হয়ে যাবে । লেখা আছে যে কুমারীরা ভীষ্ম পিতামহকে জয় করেছিল । এটা হতেই হবে । ড্রামার এই পার্ট নিশ্চিতভাবে নির্ধারিত । আচ্ছা ।

মিষ্টি মিষ্টি হারানিধি (সিকিলধে) বাচ্চাদের প্রতি মাতাপিতা বাপদাদার স্মরণ -স্নেহ আর সুপ্রভাত । রুহানী বাবার রুহানী বাচ্চাদের নমস্কার ।

ধারণার জন্য মুখ্য সারঃ-

১) বিজয়মালায় আসতে হলে মাঝমা বাবার সমান সার্ভিস করতে হবে । মুরলি ধারণ করে তারপর অন্যদেরও শোনাতে হবে । রাজকীয় মর্যাদাসম্পন্ন ব্যবহার হতে হবে ।

২) নিজের বিশাল বুদ্ধির দ্বারা বেহদের এই ড্রামাকে জেনে অপার খুশিতে থাকতে হবে । তুফানে ভয় পেয়োনা । জ্ঞান মন্ত্রনে বুদ্ধিকে ভরপুর করে রাখো ।

বরদানঃ- দেহ-অভিমানের অংশমাত্রও ত্যাগ করে মহাবলবান ভব

সবচেয়ে বড় দুর্বলতা দেহ -অভিমান । দেহ -অভিমানের সূক্ষ্ম বংশ অনেক বড় । দেহ-অভিমানের বলি দেওয়া অর্থাৎ অংশ আর বংশ সমেত সমর্পিত হওয়া । এইরকম ত্যাগ করতে পারে যারা তারাই মহাবলবান হয় । যদি দেহ-অভিমানের কোনও অংশ থেকে যায় , অভিমানকে নিজের স্বমান বানিয়ে নাও তবে যদিও-বা , অল্প সময়ের জন্য বিজয় প্রাপ্তির আভাস হবে কিন্তু তাতে দীর্ঘ সময়ের পরাজয় লুকিয়ে থাকে ।

শ্লোগান:- ইচ্ছা ছিলনা কিন্তু ভালো লেগে গেল - তাও জীবনবন্ধ স্থিতি ।

*তপস্বী মূর্ত হও

যেমন প্রথম -প্রথম প্রবল উত্সাহ থাকত যে আমি উপরে বসে সমস্ত বৃক্ষকে দেখছি , পরমধামের এইরকম উঁচু স্থিতিতে বসে নীচে পুরো গ্লোবকে সকাশ দেওয়ার সেবা করো । এইভাবে তপস্যা আর সেবা উভয়ই কন্সাইন্ড এবং একসাথে থাকবে* ।
